

禮記正義

二十

禮記正義卷第三十七

國子祭酒上護軍曲阜縣開國子臣孔穎達等奉

勅撰

內則第十二

正義曰案鄭目錄云名曰內則者以其記男女居室事父母舅姑之法此於別錄屬子法以閨門之內軌儀可

則故曰內則

后王命冢宰降德于眾兆民

后君也德猶教也萬

億曰兆天子曰兆民諸侯曰萬民周禮冢宰掌飲食司徒掌十二教令一云冢宰記者據諸侯也諸侯并六卿為三

禮記義三十七

應俊

或兼職焉

疏

正義曰此一經論子事父母由此后王之教使

諸侯王謂天子不先云王者辟天子妃后之嫌故言后王也命冢宰者若天子則天官為冢宰若諸侯則司徒為

冢宰今記者據諸侯為文命此司徒之冢宰降德于眾兆民者降下也德教也諸侯命冢宰降下教令於羣眾兆

民也既據諸侯當云萬民而云兆民者此經雖以諸侯為主雜以天子言之故又稱王又稱兆民也

后君至職焉正義曰后君也釋詁文云萬億曰兆者依如算法億之數有大小二法其小數以十為等十萬為億十億為兆

也其大數以萬為等數萬至萬是萬萬為億又從億而數至萬億曰兆億億曰秬故詩頌毛傳云數萬至萬曰億數

億至億曰秬兆在億秬之間是大數之法鄭以此據天子天下之民故以大數言之詩魏風刺在位貪殘魏國褊小

不應過多故以小數言之故云十萬曰億云天子曰兆民諸侯曰萬民者閔元年左傳文周禮是天子之法每云萬



民者據畿內言之或可通稱也鄭引此者明天子諸侯之異經云北民互明天子也云周禮冢宰掌飲食司徒掌十二教者欲明飲食教令所掌各有別官不得獨云冢宰云今一云冢宰記者據諸侯也者今此內則之篇既有飲食又有教令則經文當云命冢宰司徒兩官備言之今唯一云冢宰不兼言司徒者是司徒兼冢宰之事故云記者據諸侯而言之云諸侯并六卿為三或兼職焉者此明司徒兼冢宰之事意疑而不定故稱或焉盧氏云后謂天子之妃者若是后妃唯主內事不得降德于眾非民孫炎王肅皆云后王君王謂天子也此經論教訓法則是司徒所掌不可獨據冢宰盧與孫王之說其義皆非故鄭以為據諸侯言也但雜陳王事耳

子事父母雞

初鳴咸盥漱擲縱笄總拂髦冠綏纓端鞞

紳摺笏

咸皆也縱韜髮者也總束髮也垂後為飾拂髦振去塵著之髦用髮為之象幼時鬢其制未聞

禮記義三十一

二

翁祥

也綏纓之飾也端玄端士服也庶人深衣紳大帶所以自紳約也摺猶扱也扱笏於紳笏所以記事也

左

右佩用

自佩也必佩者備尊者使令也

左佩紛帨刀礪小觶金

燧

紛帨拭物之巾也今齊人有言紛者刀礪小刀及礪礪也小觶解小結也觶貌如錐以象骨為之金燧可

取火於日右佩玦捍管帶大觶木燧

捍謂拾也言可以捍弦也

管筆彊也帶刀鞞也木燧鑽火也

偪

偪行

屨著綦

綦屨繫也

䟽

正義

曰自此以下至不敢私祭以上總論在內法則子事父母婦事舅姑男女出入之禮長幼相事之法其文既多各隨事節而解之自子至著綦以上還論子事父母之法也此子謂男子知者以經云端鞞紳摺笏故也咸盥漱者盥謂洗手漱謂漱口此據年稍長者若其孺子則晏起而不能雞初鳴也笄者著縱既畢以笄插之熊氏云此笄謂

安髻之笄以緹韜髮作髻既訖橫施此笄於髻中以固髻也故士喪禮云笄用桑長四寸緹中是也緹中謂殺其中使細非固冠之笄故文在冠上且玄冠有纓約士冠禮有纓者無笄問喪云親始死雞斯之時去玄冠而有笄緹是知笄緹不得為冠總者裂練繒為之束髮之本垂餘於髻後故以為飾也此經所陳皆依事先後擲訖加緹緹訖加笄笄訖加總然後加髻著冠冠畢然後服玄端著鞞又加大帶也左佩紛悅刀礪小觶金燧者皇氏云左旁用力不便故佩小物右佩琫捍管帶大觶木燧者皇氏云以右廂用力為便故佩大物

注緹韜至事也 正義曰緹韜髮者也士冠禮云緹纏長六尺鄭云纏一幅長六尺足以韜髮而結之矣盧云所以裹髮承冠以全幅疊而用之未知孰是盧說為優云緹纓之飾也者結纓領下以固冠結之餘者散而下垂謂之緹云端玄端士服也者特牲禮工祭服玄端故云士服也云庶人深衣者以深衣是服之最下者庶人是人之賤者故知服深衣也云紳大帶者其制

禮記義三十七

三

王茂

備於玉藻云笄所以記事也者玉藻文其制亦備於玉藻

注紛悅至於日 正義曰鄭恐人不識佩巾當鄭之時齊人呼佩巾為紛故鄭指而言之云今齊人有言紛者是也云刀礪小刀及礪礪也者鄭恐刀礪是一物故明之云小刀及礪礪也知小刀者與小觶連文故知也 **注**捍謂至火也 正義曰拾斂也故鄉射大射將射謂之遂射罷謂之拾拾是收斂之意也云遣刀鞞也者此刀大於左廂刀也云木燧鑽火也者皇氏云晴則以金燧取火於日陰則以木燧鑽火也

注綦屨繫也 正義曰皇氏云屨頭施繫以為行戒未知然否或可著屨之時屨上自有繫以結於足也故鄭注士冠禮黑屨青絢云絢之言拘也以為行戒

母雞初鳴咸盥漱擲緹笄總衣紳 笄今簪也衣紳

衣而 著紳 左佩紛悅刀礪小觶金燧右佩箴管

線纊施繫裘大臙木燧

繫小囊也繫裘言施明為箴管線纊

有衿纓其綦屨

衿猶結也婦人有纓示繫屬也

疏

正義曰此一節論女事父母婦

事舅姑所服之衣所佩之物皆異於男子之事各依文解之

注笄今至著紳 正義曰云笄今簪也者謂婦人之笄異於上男子笄縱故於此始云笄今簪也則與士冠禮男子爵弁笄皮弁笄同故鄭注冠禮亦云笄今之簪也則

喪服女子吉笄尺二寸也云衣紳衣而著紳者鄭恐經云衣紳謂衣著此紳故云衣而著紳謂加玄端綃衣而後著

紳帶此異於男子故不有冠綏端鞞紳摺笏之屬 注繫小至有之 正義曰熊氏云裘刺也以針刺裘而為繫囊

故云繫裘也餘物皆不言施獨於箴管線纊之下而言施繫裘明為四物而施矣 注衿猶至屬也 正義曰案鄭

注昏禮云婦人十五許嫁笄而禮之因著纓明有繫也蓋以五采為之其制未聞鄭注昏禮既云笄而著纓則未笄

禮記義三十七

四

五

無纓也下男女未冠笄亦云衿纓者彼未冠笄之纓用之以佩容臭故下注云容臭香物以纓佩之故童子男女皆

有之與此婦人既笄之纓別也 以適父母舅姑之所 適 及所下

氣怡聲問衣燠寒疾痛苛癢而敬抑搔

之 怡說也苛疥也抑按搔摩也

出入則或先或後而敬扶持之

先後之隨時便也 進盥少者奉槃長者奉水請沃

盥盥卒授巾

槃承盥水者巾以悅手

問所欲而敬進之

柔色以溫之

溫藉也承尊者必和顏色

饘醢酒醴芻羹菽

麥蕡稻黍梁秫唯所欲

醢粥也芻菜也蕡熬臬實

棗栗

飴蜜以甘之董苴粉榆免薨滫瀡以滑之

脂膏以膏之

謂用調和飲食也苴董類也冬用董夏用苴榆白曰粉免新生者薨乾也

秦人漉曰滫齊人滑曰隨也

父母舅姑必嘗之而后退

敬也

疏

正義曰此一節論子事父母婦事舅姑至其處所奉持沃盥之儀奉進酒醴膳羞之事各依文解之

注 苛疥也

正義曰苛疥者以其苛與癢共文故知苛疥也

注 温藉也

正義曰藉者所以承藉於物言子事父母當和柔顏色承藉父母若藻藉承三然

正義曰醢既為粥粥是薄者則醢為厚者故左傳云醢於是注云醢鬻也爾雅釋言云餹醢也郭景純謂糜也芼菜者案公食大夫禮三牲皆有芼者牛藿羊苦豕薇也是芼乃為菜也用菜雜肉為羹云蕒熬臠實者釋草云臠臠實也此中菽豆以下供尊者所食悉皆須孰或者熬故

二云熬臠實也 棗栗至膏之 以甘之者謂以此棗栗飴蜜以和甘飲食 以滑之者謂用董用苴及粉榆及新生乾薨相和滫瀡之令柔滑之 脂膏以膏之者凝者為脂釋者為膏以膏沃之使之香美此等總謂調和飲食也

注 冬用至隨也

正義曰案士虞禮記夏用葵冬用苴鄭注云苴董類也乾則滑夏秋用生葵冬春用乾苴與此不同者此經董苴相對故冬用董夏用苴士虞禮葵與苴相對故夏用葵冬用苴也所對不同故注有異云榆白曰粉

者釋木云榆白粉孫炎云榆白者名粉郭景純曰粉榆先生葉却著莢皮色白云免新生者薨乾也者案庖人云共

魚薨之物薨薨相對此經以免對薨薨既是乾故知免為新生此免薨於周禮據肉為言熊氏皇氏皆云文承董苴粉榆之下據董苴等

為免薨義或為然

男女未冠笄者雞初鳴咸

盥漱櫛緹拂髦總角衿褻皆佩容臭

總角收髮

收髮

收髮

收髮

結之容臭香物也以纓佩
之為迫尊者給小使也
昧爽而朝後成人也問何食

飲矣若已食則退若未食則佐長者視具

具饌正義曰此一節論未冠笄者事親之禮
疏 臭至使也正義曰臭謂芬芳臭物謂之容者

也庾氏云以臭物可以脩飾形容故謂之容臭以纓佩之者謂纓上有香物色凡內外雜初

鳴咸盥漱衣服斂枕簟灑掃室堂及庭布

席各從其事斂枕簟者不欲人見己孺子蚤寢

晏起唯所欲食無時又後未成人者
疏 正義曰此一經

總論子婦之外卑賤之人爰及僕隸之等
故云斂枕簟灑掃室堂及庭布席之屬
由命士以上

禮記義三十七

父子皆異宮昧爽而朝慈以旨甘日出而

退各從其事日入而夕慈以旨甘異宮崇敬也慈愛敬

進之日出乃從事正義曰此一經論命士以上父母

舅姑將坐奉席請何鄉將衽長者奉席

請何趾少者執牀與坐將衽謂更卧處御者舉几

斂席與簟縣衾篋枕斂簟而禡之須卧乃敷

之也禡正義曰此一節論父母舅姑將坐將卧奉席
疏 之禮及未卧之前且斂枕簟衾篋與藏須卧

乃鋪御者舉几者謂早旦親起之後侍御之人則奉舉
其几以進尊者使馮之斂席與簟者斂此所卧在下

席與上觀身之簟又懸其所卧之衾以篋貯所卧之枕

斂篋而襮之者簟既觀身恐其穢汚故斂此細篋以獨

朝之言簟則父母舅姑之衣衾篋席枕几

不傳杖屨祇敬之勿敢近傳移也躬牟卮匱

非餽莫敢用餽乃用之牟讀曰整也卮匱酒漿器躬牟黍稷器也與恒食

飲非餽莫之敢飲食餽乃食之恒常也旦夕之常食疏正義曰此

一節論父母舅姑所服用之物子婦不得輒用所恒飲食之饌不得輒食衣衾篋席枕几不傳者侍御之人停貯

常處子婦不得輒更傳移令嚮他處杖屨祇敬之勿敢近者杖屨是尊者服御之重彌須恭敬故云祇敬之勿敢

偏近也與恒食飲非餽莫之敢飲食者與及也接上躬牟之文非但不敢用及父母恒食飲食非因餽時莫敢飲

食注牟讀至漿器正義曰躬則周禮有玉躬今之杯盃也隱義曰整土釜也今以木為器象土釜之形卮酒器也匱盛水漿之器故春秋僖二十三年左傳云懷贏奉匱沃盥是也父母在朝夕恒食

子婦佐餽婦皆與夫餽也既食恒餽每食餽而盡之末有原也父

没母存冢子御食羣子婦佐餽如初御侍也謂

長子侍母食也侍食者不餽其婦猶皆餽也旨甘柔滑孺子餽正義

曰此一節論父母之食子婦餽餘之禮子婦佐餽者謂長子及長子之婦佐餽者食必須盡以父母食不能盡故

子婦佐助餽食之使盡勿使有餘恐再進故注云末有原也末無也原再也無使有餘而再設也羣子婦佐餽如

初者冢子既侍母而食羣子婦謂冢子之弟婦及眾弟婦而佐餽如初者如上父母在子婦佐餽之禮故云如初也

注侍食至餽也 正義曰經云冢子御食則云羣子婦
佐餽不云冢子故知侍食者不餽冢子無父故得侍母而
食冢婦既不侍食 故云猶皆餽也 在父母舅姑之所有命之應

唯敬對進退周旋慎齊齊莊也升降出入揖

遊不敢噦噫嚏咳欠伸跛倚睇視不敢唾

洩睇傾視也易曰明夷睇于左股寒不敢襲癢不敢搔襲謂重衣

不有敬事不敢袒裼父黨無容不涉不擻擻揭衣也褻

衣衾不見裏為其可穢父母唾洩不見輒刷去之冠

帶垢和灰請漱衣裳垢和灰請澣手曰漱足口澣和漬

禮記義三十七

也衣裳綻裂衣紉箴請補綴綻猶解也五日則燂湯

請浴三日具沐其閒面垢燂潘請醕足垢

燂湯請洗潘米瀾也少事長賤事貴共帥時共猶皆也

帥循也時是也 **疏**正義曰此一節論事父母舅姑在尊

禮皆如此也 **注**睇傾至左股 正義曰明夷睇于左股者是明夷六二爻辭彼注云旁視為

睇六二辰在酉酉是西方又下體離為目九三體在震

震東方九三又在辰辰得巽氣為股此謂六二有明德欲

承九三故云睇于左股引之者證睇為旁視也 **注**擻揭衣也 正義曰言於尊所不因涉水不敢揭衣 **注**手

曰漱足曰澣 正義曰以冠帶既尊故以手漱之用力淺也衣裳既卑故以足澣之用力深也此據士故冠帶得漱

是大夫故譏其澣衣濯冠也此漱澣對文為例耳散也故上曲禮云諸母不漱裳是裳亦漱也詩周南箋

云澣謂濯之耳亦是不用足 **男不言內女不言外** 謂事業之次序 **非**

祭非喪不相授器 祭嚴喪遠不嫌也 **其相授則女受**

以篚其無篚則皆坐奠之而后取之 奠停地也

外內不共井不共湑浴不通寢席不通乞

假男女不通衣裳內言不出外言不入 浴

室也 **男子入內不嘯不指夜行以燭無燭則**

止 嘯讀為叱叱嫌有隱使也 **女子出門必擁蔽其面夜**

大司馬禮記義三十七九高涼

行以燭無燭則止 擁猶障也 **道路男子由右女**

子由左 地道尊右 **疏** 正義曰此經論男子女子殊別之宜祭嚴喪遠不嫌也 正義曰以經云

非祭非喪不相授器則是祭與喪時得相授器所以得者祭是嚴敬之處喪是促遽之所於此之時不嫌男女有姪

邪之意 注嘯讀至使也 正義曰嘯是自嘯叱謂叱人經言不嘯與不指連文而指既指物明嘯是叱人故以嘯

為叱矣云嫌有隱使者若其常事以言語處分是顯使人也如有姦私恐人知聞不以言語但諷叱而已是幽隱而

使故云叱嫌有隱使也 **子婦孝者敬者父母舅姑之命**

勿逆勿怠 恃其孝敬之愛或則違解 **若飲食之雖不嗜必**

嘗而待 待後命而去也 **加之衣服雖不欲必服而**

待

待後命釋藏也

加之事人代之已雖弗欲

謂難堪妨業

姑與之而姑使之而后復之

遠對怨勞事姑猶且也

子

婦有勤勞之事雖甚愛之姑縱之而當可數

休之

不可愛此而移苦於彼也

子婦未孝未敬勿庸疾怨

庸之言用也

姑教之若不可教而后怒之

怒譴責也

不

可怒子放婦出而不表禮焉

表猶明也猶為之隱不明其犯

禮之

疏

正義曰此一節論子婦事父母舅姑受飲食衣服之事并明父母舅姑接待子婦之禮子婦

孝者敬者父母舅姑之命勿逆勿怠者子孝於父母舅姑於舅姑或恐倚恃孝敬之心違逆其命意有怠惰其身故

禮記義三十七

十

焉

戒令勿逆勿怠也 若飲食之雖不嗜必嘗而待者謂尊

者以飲食與己已雖不嗜愛必且嘗之而待尊者後命令

己去之而後去之 加之衣服雖不欲必服而待者為尊

者加己衣服己雖不欲必且服之而待後命而藏去之加

之事人代之已雖弗欲者謂尊者言加己以事業事業欲

成尊者又使人代己此事既嚮成不欲他人代己而難其

妨己之業 姑與之而姑使之者姑且也且與代己者之

事而且使代己者為之 而后復之者待代己者休解而

后復本事業於己身也 子婦有勤勞之事雖甚愛之者

從此以下論尊者接待卑者之禮有勤勞之事者謂子婦

有辛苦勤勞之事雖甚愛之者謂父母舅姑素來雖甚愛

此勤勞之子婦 姑縱之者姑且也所愛子婦既有勤勞

且緩縱之 而寧數休之者寧可數數休息此所愛子婦

不可移此勤勞於他不愛之子婦也 子婦未孝未敬勿

庸疾怨者庸用也子婦既不孝敬勿用憎疾怨惡之 姑

教之者姑且也且教誨之 若不可教而后怒之者不可

教謂教而不從然後責怒之 不可怒者謂雖責怒之而不從命者 子放婦出而不表禮焉者既不可責怒子被放逐婦被出棄表明也雖被出棄猶為之隱不顯明言其犯禮之過也 父母有過下氣

怡色柔聲以諫諫若不入起敬起孝說則

復諫 子事父母有隱無犯起猶更也 不說與其得罪於鄉黨州

閭寧孰諫 子從父之令不可謂孝也周禮曰二十五家為閭四閭為族五族為黨五黨為州五

州為鄉也 父母怒不說而撻之流血不敢疾怨起

敬起孝 撻擊也 疏 正義曰此一節論父母有過子諫

犯顏諫諍使父母不說也 與其得罪於鄉黨州閭者謂子恐父母不說不敢孰諫使父母有過得罪於鄉黨州閭

禮記義三十七

十一

吳志

謂鄉黨州閭所共罪也 寧孰諫者犯顏而諫使父母不

說其罪輕畏懼不諫使父母得罪於鄉黨州閭其罪重二

者之間寧可孰諫不可使父母得罪孰諫謂純執躬勤而諫若物之成孰然 父母有婢子

若庶子庶孫甚愛之雖父母沒沒身敬之

不衰 婢子所通賤人之子 子有二妻父母愛一人焉子

愛一人焉由衣服飲食由執事母敢祖父

母所愛雖父母沒不衰 由自也 子甚宜其妻

父母不說出 宜猶善也 子不宜其妻父母曰是善

事我子行夫婦之禮焉沒身不衰 疏 正義

曰此一節論父母有婢子庶子庶孫父母所愛已亦愛之
并明已有妻妾被父母之所愛已亦當愛之 由衣服飲
食由執事母敢視父母所愛者由自也為自己身所愛妾
衣服飲食及執事母敢比視父母所愛者故鄭云由自也
子甚宜其妻者宜謂與之相善而寵愛 子不宜其妻
者謂不與之相善被疏薄 父母曰是善事我者言此妻
汝雖疏薄是善能事我子當行夫婦之禮焉子雖寵愛其
妻父母不說出者出謂出去也案大戴禮本命云婦有七
出不順父母去無子去淫去妬去有惡疾去口多言去竊
盜去不順父母為逆德也無子為其絕世也淫為亂其族
也妬為亂其家也有惡疾為其不可共染盛也口多言為
其離親也竊盜為其反義也大戴禮又云婦有三不去有
所受無所歸不去曾經三年喪不去前貧賤後富貴不去
何休又云喪婦長女不娶無教戒世有惡疾不娶棄於天
世有刑人不娶棄於人亂家女不娶類不正逆家女不娶
廢人倫也案周易同人六二鄭注云天子諸侯后夫人無

禮記義三十七

十一

鄭復

子不出則猶有六出也其天子之后雖失禮亦不出故鼎
卦初六鄭注云嫁於天子雖失禮無出道廢遠而已若其
無子不廢遠之后尊 父母雖沒將為善思貽父

母令名必果將為不善思貽父母羞辱必

不果 貽遺也 果決也 疏 正義曰此一節論子事父母父母雖

思遺父母羞辱必 謂傳家事 冢婦所 於長婦也

祭祀賓客每事必請於姑 婦雖受傳猶 介婦 不敢專行也

請於冢婦 以其代姑之 舅姑使冢婦母怠 雖

勤勞不 敢解倦 不友無禮於介婦 衆婦無禮冢婦不友之

也弟舅姑若使介婦毋敢敵耦於冢婦雖有

不敢掉磬不敢並行不敢並命不敢並坐下冢婦也

凡婦不命適私室不敢退婦侍舅婦將有姑者也

事大小必請於舅姑不敢子婦無私化負無專行

私畜無私器不敢私假不敢私與家事統婦於尊也

或賜之飲食衣服布帛佩帨蒞蘭則受

而獻諸舅舅姑舅姑受之則喜如新受賜或

之謂私若反賜之則辭不得命如更受賜藏親兄弟

禮記義三十七

十三

齊信

以待之待舅姑之乏也不婦若有私親兄弟將得命者不見許也

與之則必復請其故賜而后與之疏正義

一節論婦事舅姑之禮并明冢婦介婦相於之節又明婦

有私親賜之美物當獻於舅姑也謂傳至婦也正

義曰若舅姑未没年七十以上傳家事於長子其婦亦從

夫知家事也若舅没姑未老則其婦不得專知家事也故

經云姑老若其不老則不得知也衆婦至弟也正

義曰衆婦無禮冢婦不友之也者以其無禮故冢婦疏薄

此無禮謂非七出之罪若其七出自當棄之若冢婦無

禮罪非七出衆婦當友之以適婦尊故也雖有至掉

磬正義曰庾氏云齊人謂之差訐崔氏云北海人謂相

激申為掉磬隱義云齊人謂相絞訐為掉磬命為

使令正義曰謂介婦不敢與冢婦並有教令之命下冢

婦也正義曰以下文云婦若有私親

兄弟將賜之此云或賜之獻諸舅姑故知私親兄弟賜也
雖藏之以待舅姑之乏若舅姑不乏私親兄弟既貧將欲
以物與之不敢別請其財則必於舅姑處復請
其故賜所藏之物舅姑既許然後取而與之
適子

庶子祇事宗子宗婦祇敬也**雖貴富不敢**

以貴富入宗子之家雖眾車徒舍於外以

寡約入入謂入宗子家**子弟猶歸器衣服衾表車**

馬則必獻其上而后敢服用其次也猶若也子弟若

有功德以物見饋賜當以善者與宗子也**若非所獻則不敢以入於宗**

子之門謂非宗子之爵所當服也**不敢以貴富加於父兄**

禮記義三十七

十四

應俊

宗族加猶高也**若富則具二牲獻其賢者於宗**

子賢猶善也**夫婦皆齊而宗敬焉**當助祭於宗子之家**終**

事而后敢私祭祭其祖禰**疏**正義曰此一節論族人

庶子祇事宗子宗婦者適子謂父及祖之適子是小宗也庶子謂適子之弟宗子謂大宗子宗婦謂大宗子之婦言

小宗及庶子等敬事大宗子及宗婦也子弟猶歸器衣服衾衾車馬者猶若也歸謂歸遺也子弟若有功德被尊

上歸遺衣服衾衾車馬則必獻其善者於宗子若富則具二牲獻其賢者於宗子者賢猶善也善者獻宗子使祭

之不善者私用自祭也夫婦皆齊而宗敬焉者大宗子將祭之時小宗夫婦皆齊戒以助祭於大宗以加敬焉謂

敬事大宗之祭終事而后敢私祭者謂大宗終竟祭事而后敢以私祭祖禰也此文雖主事大宗子其大宗之外

事小宗子者亦然飯日諸黍稷稻粱白黍黃粱稻

黍孰獲曰稭生獲膳日諸脚臙臙醢牛炙醢

牛臠醢牛臠羊炙羊臠豕炙醢豕臠

芥醬魚臠雉兔鶉鷄此上大夫之禮庶羞二十

之則臙牛炙間不得有醢醢行字也又以鷄為鴛也飲日諸重醴稻醴清

糟黍醴清糟梁醴清糟重陪也糟醴也清沛也

也設之或以醢為醴釀粥黍醢醢漿醢水清醴

梅漿濫以諸和水也以周禮六飲校之酒日諸清白

白事酒昔酒也羞目諸糗餌粉醢糗擣熬穀也以為粉餌

邊之實糗餌粉資羞豆之實醢食糝食此醢當為餅以稻米與狼臙膏為餅是也食日人君

用也也蝸醢而苾食雉羹麥食脯羹雞羹折

稌大羹兔羹和糝不蓼苾彫胡也稌稻也凡羹

糝糝則不矣此脯所濡豚包苾實蓼濡雞醢醬

實蓼濡魚卵醬實蓼濡鼈醢醬實蓼凡

謂亨之以汁和也苦苦茶也以包豚殺其氣卵讀為鯢鯢魚子或作攔也服脩蚺醢服脩捶

桂也蚺蚺脯羹兔醢麋膚魚醢魚臠芥醬

禮記義三十七 十五

麋腥醢醬桃諸梅諸卵鹽

自蝸醢至此二十七物似皆人君燕

所食也其饌則亂膚切肉也膚或為胖卵鹽大鹽也

凡食齊視春時

飯宜温也羹

齊視夏時

羹宜熱也

醬齊視秋時

醬宜凉也

飲齊視

冬時

飲宜寒也

凡和春多酸夏多苦秋多辛冬

多鹹調以滑甘

多其時味以養氣也

牛宜稌羊宜黍豕

宜稷犬宜粱鴈宜麥魚宜苽

言其氣味相成

春宜

羔豚膳膏薺夏宜牀鱠膳膏臊秋宜犢

麇膳膏腥冬宜鮮羽膳膏羶

此八物四時肥美也為其大盛

禮記義三十七

十六

陳又

煎以休廢之膏節其氣也牛膏薺犬膏臊雞膏腥羊膏羶牀乾雉也鱠乾魚也鮮生魚也羽鴈也

牛脩

鹿脯田豕脯麋脯麇脯鹿田豕麇皆

有軒雉兔皆有苺

脯皆析乾其肉也軒讀為憲憲謂藿菜切也苺謂菜釀也軒或

為爵鷄蜩范

蜩蟬也范蜂也

芝栒菱棋棗栗榛柿瓜

桃李梅杏粗梨薑桂

菱芰也棋枳棋也粗梨之不臧者自牛脩至此三十一物

皆人君燕食所加庶羞也周禮天子羞用百有二十品記者不能次錄

疏

正義曰此一節總論飯飲膳羞調和之宜

各依文解之

飯黍至稭糲

此飯之所載凡有六種下

云白黍則上黍是黃黍也下言黃粱則上粱是白粱也案玉藻西侯朝食四簋黍稷稻粱此則據諸侯其天子則加以麥苽為

六但記文不載耳。注孰穫至曰稊。正義曰稊是斂縮之名，明以生穫故其物縮斂也。稱既對稊，故為孰穫。膳，脚至鶉鷄。此一節論豆上所盛美膳，謂羹與載醢之屬也。注此上至鴛也。正義曰：知上大夫之禮，庶羞二十豆者，案公食大夫禮文云：二十豆者，脚一謂牛臠也，臠二謂羊臠也，臠三謂豕臠也，牛炙四，炙牛肉也，此依公食大夫禮所陳設。此等四物共為一行，最在於北，從西為始。醢五，謂肉醬也，牛載六，謂切牛肉醢。七牛膾，八此等四物又為第二行。陳之從東為始，羊炙九，羊載十，醢十一，豕炙十二，此等四物為第三行。陳之從西為始，醢十三，豕載十四，芥醬十五，魚膾十六，此等四物為第四行。陳之從東為始，以上十六豆是下大夫之禮也。雉十七，兔十八，鶉十九，鷄二十，此等四物為五行。陳之從西為始，此是上大夫所加。二十豆，案公食大夫禮，臠之下，牛炙之上，無醢字，故云以公食大夫禮，饌校之，則臠牛炙間不得有醢醢衍字也。又公食大夫禮以鶉為鴛，案釋鳥云：鴛，鴛母某氏云：謂鴛。

禮記義三十七

李巡云：鴛，鴛一云鴛母，郭景純云：鴛，青州呼為鴛母，皇氏用賀氏之說，鴛，蝙蝠，其義未聞。熊氏云：此經醢文，承牛羊之下，則是牛肉羊肉之醢，以其庶羞，故得用三牲為醢。若其正羞，則不得用三牲。故醢人職無三牲之醢也。飲重至醢，濫此一節，明諸飲之物也。注重陪至之也。正義曰：此稻黍粱三醴，各有清糟，以清糟相配，重設故云重醴。凡致飲之時，有清者有糟者，案周禮漿人共王之六飲，有水漿醴涼醫醢，不云糟也。共夫人致飲于賓客之禮，清醴醫醢，糟注云：三物有清有糟，夫人不體王得備之。若后之致飲於賓客，有糟無清，故酒正共后之致飲于賓客之禮，醫醢，糟注云：后致飲無醴，醫醢不清者，與王同體，屈也。注以諸至為濫。正義曰：案漿人六飲，有涼注云：涼，今寒粥，若糗飯雜水也。康成以涼與濫是一物矣，則此以諸和水，謂以諸雜糗飯之屬和水也。諸者，眾雜之辭。案漿人六飲，一曰水，則此經水一也。二曰漿，則此經漿一也。三曰醴，則此經重醴一也。但用清耳。四曰涼，則此經濫一也。五

曰醫則此經或以醢為醴一也六曰醢則此經黍醢一也
除六飲之外此經別有醢也若鄭司農之意醢與醫為一
物即以醢為醴者非康成義也鄭必知醢為梅漿者見下
文云調之以醢醢及若醢醢則醢是醢之類也又云獸用
梅故知梅漿也案酒正云一曰清則此醴也二曰醫則此
以醢為醴也三曰漿則此漿也四曰醢則此黍醢也但無
水涼二物鄭云無厚薄之齊故酒正不辨矣 酒清白此
一節論酒之所用清謂清酒白謂事酒昔酒以二酒俱白
故以一白標之配清酒則三酒故鄭云白事酒昔酒也此
無五齊者五齊是祭祀獻神所飲非人常用故也 羞糗
餈粉醢案周禮羞籩之實糗餌粉餈鄭注云合蒸曰餈餅
之曰餈此二物皆粉稻米黍米為之糗者擣粉熬大豆為
餈資之黏著故以粉糗搏之據周禮粉下有資今無者記
人脫漏更以醢益之醢者於周禮羞豆之實故周禮云羞
豆之實醢食糝食醢謂糝也 注此醢當為餈 正義曰
上以黍醢是粥知此醢當為餈者案周禮醢食共糝食文

禮記義三十七

連則醢是糝之般類此內則作糝與餈其事相連故云此
醢當為餈若其黍醢非膳羞所用且餈雖雜以狼臠膏亦
粥之般類也 食蠋至外鹽 此一節總明人君燕食所
用 蠋醢而苽食雉羹者謂以蠋為醢以苽米為飯以雉
為羹三者味相宜 麥食脯羹雞羹者謂以麥為飯析脯
為羹又以雞為羹此三者亦味相宜也 析稌犬羹兔羹
者稌稻也謂細折稻米為飯以犬兔為羹此三者亦味相
宜也 和糝不蓼者此等之羹宜以五味調和米屑為糝
不須加蓼也 濡豚包苦實蓼者濡謂亨煮以其汁調和
言濡豚之時包裹豚肉以苦菜殺其惡氣又實之以蓼
濡雞醢醬實蓼者言亨濡此雞加以醢及醬又實之以
蓼 濡魚外醬實蓼者外謂魚子以魚子為醬濡其魚
又實之以蓼 濡鼈醢醬實蓼者謂亨其鼈加醢及醬又
實之以蓼凡言實蓼者皇氏云謂破開其腹實蓼於其腹
中又更縫而合之 服脩蚺醢者服脩謂服脯也言食服
脯之時以蚺醢配之 脯羹兔醢者脯羹即上析脯為羹

以免醢配之 麋膚魚醢者麋膚謂麋肉外膚食之以魚醢配之 麋腥醢醬者腥謂生肉言食麋生肉之時還以麋醢配之此云麋腥即上麋膚謂孰也 桃諸梅諸卵蓋者言食桃諸梅諸之時以卵鹽和王肅云諸菹也謂桃菹梅菹即今之藏桃也藏梅也欲藏之時必先稍乾之故周禮謂之乾蓀鄭云桃諸梅諸是也 ⑤卵讀為鯀鯀魚子 正義曰知卵讀為鯀者以鳥卵非為醬之物蚘醢是蚘蟬之子今卵醬承濡魚之下宜是魚之般類故讀為鯀鯀是魚子也 ⑥自蝸至鹽也 正義曰自蝸醢至此二十六物者皇氏云蝸一也苾食二也雉羹三也麥食四也脯羹五也雞羹六也折稌七也犬羹八也兔羹九也濡豚十也濡雞十一也濡魚十二也濡鼈十三也自此以上醢之與醬皆和調濡漬雞豚之屬為他物而設之故不數矣自此以下醢及醬各自為物但相配而食故數之服脩十四也蚘醢十五也脯羹重出兔醢十六也麋膚十七也魚醢十八也魚膾十九也芥醬二十也麋腥二十一也醢二

十二也醬二十三也桃諸二十四也梅諸二十五也卵鹽二十六也諸儒更無所說今依用之云似皆人君燕所食也者案周禮掌客云諸侯相食皆鼎簋十有二其正饌與此不同其食臣下則公食大大禮具有其文與此又異故疑是人君燕食也云其饌則亂者案上陳庶羞有腳臠臠有牛炙牛裁始云羊炙豕炙而依牲大小先後而陳此則先云雉羹後云脯羹又先云雞羹後云犬羹不依牲之次第又飯食在簋醢羹之屬在豆是上下雜亂故云其饌則亂也云膚切肉也者以其與醢醬相類在豆之物故為切肉若其正膚則在俎故少牢特牲膚皆在俎也云卵鹽大鹽也者以其鹽形似鳥卵故云大鹽也 ⑦多其至氣也 正義曰依經方春不用食酸夏不用食苦四時各減其時味也此云多其時味以養氣者經方所云謂時氣壯者減其時味以殺盛氣此經所云食以養人恐氣虛羸故多其時味以養氣也 ⑧言其氣味相成 正義曰此云牛稌上云折稌用犬羹又云犬宜梁而以犬羹配折稌者此

牛宜稌之屬據尊者正食上之所云據人君燕食以滋味
為美故與此不同 春宜至膏羶 上文食齊視春時至
魚宜苾芻皆周禮食醫之文記者載之於此論調和食飲之
法此春宜羔豚一經又記庖人論四時煎和膳食之宜以
王相休廢相參其味乃善 春宜羔豚膳膏薺者春為木
王膏薺牛膏也牛中央土畜春東方木木剋土木盛則土
休廢用休廢之膏故用牛膏也 夏宜牀鱠膳膏臊者牀
乾雉鱠乾魚膏臊犬膏也犬屬西方金夏南方火火剋金
火盛則金休廢故用犬膏也 秋宜犢麋膳膏腥者膏腥
謂雞膏也雞屬東方木秋西方金金剋木金盛則木休廢
故用雞膏也 冬宜鮮羽膳膏羶者鮮魚羽鴈膏羶謂羊
膏也羊屬南方火冬水王水剋火火盛則火休廢故用羊
膏也周禮庖人文與此同鄭彼注云羔豚物生而肥犢與
麋物成而充牀鱠燠熱而乾魚鴈水涸而性定此八物者
得四時之氣尤盛為人食之弗勝是以用休廢之脂膏煎
和膳之義與此同 注牛膏至鴈也 正義曰案洪範五

禮記義三十七

二十

張暉

行傳云思之不睿則有牛禍牛屬土也言之不從則有犬
禍犬屬金也貌之不恭則有雞禍雞屬木也視之不明則
有羊禍羊屬火也今四時各有所剋脂膏而和膳食故知
牛膏薺犬膏臊雞膏腥羊膏羶也云牀乾雉也者士相見
禮云冬執雉夏執牀故知牀為乾雉云鱠乾魚也者周禮
籩人云臠鮑魚鱠鱠與鮑相對鮑為濕魚故知鱠是乾魚
也云鮮生魚也者鱠既為乾魚故鮮為生魚也月令云季
冬獻魚又王制云獺祭魚然後虞人入澤梁是冬魚成也
云羽鴈也者羽族既多而冬來可食者唯鴈故知羽鴈也
庖人云春行羔豚行謂行用此云宜謂氣味相宜其事同
也 牛脩至薑桂 麋鹿田豕麇皆有軒者言此等非但
為脯又可腥食腥食之時皆以藿葉起之而不細切故云
皆有軒不云牛者牛唯可細切為膾不宜大切為軒故不
言之 雉兔皆有芼者為雉羹兔羹皆有芼菜以和之
芝栴者庾蔚云無華葉而生者曰芝栴盧氏云芝木芝也
王肅云無華而實者名栴皆芝屬也庾又云自牛脩至薑

桂凡三十一物則芝栢應是一物也今春夏生於木可屬
爲菹其有白者不堪食也賀氏云栢軟棗亦云芝木榘也
以芝栢爲二物鄭下注云三十一物則數芝栢爲一物也
賀氏說非也 ⑤ 菱芰至次錄 正義曰相梨之不臧者
相是梨屬其味不善故云不臧也 云自牛脩至此三十
一物者牛脩一鹿脯二田豕脯三麋脯四麇脯五麋軒六
鹿軒七田豕軒八麇軒九雉芼十兔芼十一爵十二鷄十
三蜩十四范十五芝栢十六菱十七棋十八棗十九栗二
十榛二十一柿二十二瓜二十三桃二十四李二十五梅
二十六杏二十七粗二十八梨二十九薑三十桂三十一
云皆人君燕食所加庶羞也者以下文云大夫燕食有膾
無脯故知此是人君燕食也案周禮籩人正羞唯有
棗栗榛桃無以外雜物故知所加庶羞也引周禮天子羞
用百有二十品以下者證天子庶羞既多不准三十一物
而已云記者不能次錄者謂作記之人不能依次條錄天
子之事但錄諸侯燕食三十一物而已亦不能依次也

禮記正義卷第三十七



禮記正義卷第三十八



國子祭酒上護軍曹阜縣開國子臣孔穎達等奉

勅撰

大夫燕食有膾無脯有脯無膾士不貳羹

載庶人者老不徒食

尊卑差也

疏正義曰此一經接上人君燕食因明

大夫士庶人燕食不同有脯無膾者言大夫燕食若有脯則不得有膾案鄭志云脯非食殺此燕得食脯者脯非食殺謂食不專用脯以為食殺若有餘饌兼之則得有脯士不貳羹載者謂士燕食也若朝夕常食則下云羹食自諸侯以下至於庶人無等

禮記義三十八

馬昇

秋用蓼

芥芥醬也

脂用葱膏用薤

脂肥礙者釋者曰膏

三牲

用藪

藪煎菜萹也漢律會稽獻焉爾雅謂之檉

和用醢

音與家物自相和也

獸用

梅

亦野物自相和

鶉羹雞羹鴛羹釀之羹

釀謂切雜之也鴛在羹下

烝之

不方魚鱔烝雛燒雉鄉無蓼

鄉蘇荏之屬也燒烟於火中也

自膾用葱至此言調和菜釀之所宜也

疏

正義曰此一節論調和飲食之宜鶉羹雞羹者謂用鶉用雞

為羹鴛者唯烝煮之而已不以為羹故文在羹下釀之蓼者釀謂切雜和之言鶉羹雞羹及烝之等三者皆釀

之以蓼魚鱔烝者魚鱔二魚皆烝孰之雛燒者雛是鳥之小者火中燒之然後調和若今之臠也雉者文在

烝燒之下或燒或烝或可為羹其用無定故直云雉鄉無蓼者鄉謂蘇荏之屬言魚鱔烝及雛燒并雉等三者調和

唯以蘇荏之屬無用荻也 注芥芥醬也 正義口上云
魚膾芥醬則謂秋時用芥芥辛於秋宜也 注藪煎至之
檄 正義曰賀氏云今蜀郡作之九月九日取茱萸折其
枝連其實廣長四五寸一升實可和十升膏名之藪也

不食雛鼈狼去腸狗去腎狸去正脊兔去

尻狐去首豚去腦魚去乙鼈去醜 皆為不利人也 鷓鴣

伏乳者乙魚體中害人者名也今東海鯨魚有骨名
乙在目旁狀如篆乙食之鯁人不可出醜謂鼈竅也 肉

曰脫之魚曰作之棗曰新之栗曰撰之桃

曰膽之粗梨曰攢之 皆治擇之名也 疏 正義曰此一節

者及果實之屬 肉曰脫之者皇氏云治肉除其筋膜取
好處故李巡注爾雅釋器云肉去其骨曰脫郭云剥其皮

也 魚曰作之者皇氏云作謂動搖也凡取魚搖動之視
其鮮饒饒者不食李巡注爾雅云作之魚骨小無所去郭

氏爾雅今本作斲之注云謂削鱗也 棗曰新之者棗易
有塵埃恒治拭之使新 栗曰撰之者栗蟲好食數數布

陳撰省視之 桃曰膽之者桃多毛拭治去毛令色青滑
如膽也或曰膽謂苦桃有苦如膽者擇去之 粗梨曰攢

之者恐有蟲故一 牛夜鳴則厝羊冷毛而毳羶

狗赤股而躁臊鳥皤色而沙鳴鬱豕望視

而交睫腥馬黑脊而般臂漏雛尾不盈握

弗食舒鴈翠鵠鴉胖舒鳧翠雞肝鴈腎鵠

奧鹿胃 亦皆為不利人也 厝惡臭也春秋傳曰一薰
一廂冷毛毳毛別聚旃不解者也 赤股股裏

禮記義三十八 二 馬

無毛也。曠色毛變色也。沙猶嘶也。鬱腐臭也。望視視遠也。腥當為星聲之誤也。星肉中如米者。般臂前脰般然也。漏當為蠖如蠖蛄臭也。舒鴈鶩也。翠尾肉也。鵠鵠胖。謂脊側薄肉也。舒鳧鶩也。鵠奧脾臍也。鵠或為鵠也。

疏

正義曰此一節論腥臊羶。及諸物不可食者。從牛夜鳴。至般臂漏皆與周禮內饗職文同。牛夜鳴則廝者廝是

臭惡之氣。牛好夜鳴則其肉廝臭。羊冷毛而羴羴者羴。謂羴氣冷謂毛本稀冷。羴謂毛頭羴結。羊若如此其肉羴

氣。狗赤股而躁臊者臊。謂臊惡赤股。股裏無毛躁謂舉。動急躁狗若如此其肉臊惡。鳥曠色而沙鳴鬱者鬱。謂

腐臭也。曠色其色變無潤澤。沙鳴者沙嘶也。謂鳥而聲嘶。鳥若如此其肉腐臭。豕望視而交睫腥者腥。謂肉結如

星望視謂豕視望揚交睫。謂目睫毛交豕若如此則其肉似星也。馬黑脊而般臂漏者漏。謂蠖蛄臭。黑謂馬脊黑

般臂謂馬之前脰其色般般然。馬若如此其肉如蠖蛄臭也。雛尾不盈握弗食者雛。謂小鳥尾盈一握然後堪食

禮記義疏三十八

三

齊仲

若其過小未盈握不堪食也。自此以下因廣言不堪食之物。舒鴈翠者舒鴈鵠也。翠謂尾肉也。言鵠尾之肉不堪

食也。鵠鵠胖者胖謂脊側薄肉也。謂鵠鳥鵠鳥脊側薄肉不可食。舒鳧鶩者舒鳧鶩即是鴨其翠不可食

雞肝鴈腎亦不可食。鵠奧者奧謂脾臍謂藏之深奧處。鵠奧及鹿胃亦不可食。凡此皆為不利人也。

腥也。正義曰引春秋傳者。僖四年左傳文論晉獻公卜。娶驪姬其繇曰一薰一蕕十年尚猶有臭。薰謂香草。蕕謂

臭草。薰蕕一時相和十年臭氣尚在。言善易銷惡難除也。猶比於驪姬之惡也。云沙猶嘶也者。嘶謂酸嘶古之嘶字

單作斯耳。云腥當為星者。謂肉中白點似星也。故不得為腥。腥之字也。云漏當為蠖者。以漏非臭惡氣名。故讀為蠖

也。云舒鴈鵠舒鳧鶩也者。爾雅釋鳥文。某氏云在野舒翼。飛遠者為鵠。李巡云野曰鴈家曰鵠。李巡又云野曰鳧家

曰肉腥細者為膾。土者為軒。言大切細切異名也。膾者必先軒之。

所謂聶而切之也 或曰麋鹿魚為菹麇為辟雞野豕

為軒兔為宛脾切葱若薤實諸醢以柔之

此軒辟雞宛脾皆菹類也釀菜而柔之以醢殺四牲肉及其氣今益州有鹿痿者近由此為之矣菹軒聶而一切辟雞

宛脾聶而切之軒 正義曰此一節明釀菹之異用肉

或為胖宛或作鬱 不同言或曰者作記之人為記之

時無菹軒辟雞宛脾之制作之未審舊有此言記者承而用之故稱或曰 麋鹿魚為菹者凡大切若全物為菹細

切者為壘其牲體大者菹之其牲體小者壘之用此麋鹿魚為菹及野豕為軒是菹也 麇為辟雞兔為宛脾者是

壘也故鄭注醢人云細切為壘全物若牒為菹少儀曰麋鹿為菹野豕為軒皆牒而不切麋為辟雞兔為宛脾皆牒

而切之是菹大而壘小也案少儀不云魚此云魚者記者異聞也此魚與麋鹿相對是魚之大者故以為菹其辟雞

禮記義三十八 宛脾及軒之名其義未聞 切葱若薤實諸醢以柔之者此亦少儀文也或用葱或用薤故云切葱若薤肉與葱薤

置諸醋中故云實諸醢物置醢中悉皆濡孰故云柔之 釀菜至切之 正義曰此經云葱薤是釀菜而柔之故

鄭注醢人云壘菹之稱菜肉通也云今益州有鹿痿者近由此為之矣者鄭以今益州人有將鹿肉畜之痿爛謂之

鹿痿附近由此名古之菹軒而為此鹿痿也云菹軒聶而一切辟雞宛脾聶而切之者皆少儀文聶則牒也聲相近

耳 善美食以自諸侯以下至於庶人無等 羹食食之主也

庶羞乃 大夫無秩膳 謂五十始命未 甚老也秩常也 大夫七十而

有閣 天子之閣左達五右達

五公侯伯於房中 五大夫於閣三士於站

達夾室大夫言於閣與天子同處天子二

疏

正義曰此一節

論天子諸侯及大夫士等尊卑膳食節級之等差

正義

食至異耳 正義曰食謂飯也言羹之與飯是食之主

故諸侯以下無等差也此謂每日常食若非是依常禮

食之外或別有牛羊豕之肉隨時得為羹也其黍稷稻

粱之屬依禮正食之外臨時別有稼穡收穫皆得為飯

故云羹食無等若依禮正食天子日食即周禮膳夫王

日一舉鼎十有二物皆有菹及天子八簋諸侯六簋大

夫四簋此等即尊卑亦有差降也言羹食食之主也者

凡人所食羹飯為主助以雜物醬是衆食所須故曲禮

云醯醬處內注云近醯醬者食之主又案公食大夫禮

宰夫自東房授醯醬公設之注云以其為饌本是也又

牲與黍稷亦諸食之本故掌客云鼎簋十有二注云合

言鼎簋者牲與黍稷俱食之主也雖文各有所施大理

不異云庶羞乃異耳者公食大夫禮下大夫十六豆上

禮記義三十八

五

徐宥

大夫二十豆又周禮掌客云上公食四十侯伯食三十

二子男食二十四鄭注云食謂庶羞美可食者是庶羞

乃異也 **正義**曰知五十始命未甚

老也者以下云六十宿肉是有常秩此經云無秩膳故

知是五十也秩常釋詁文 **正義**曰有秩至物也

此經云七十而有閣故知有秩膳也然則六十者比五

十者則有常肉比七十者則有無肉時也 **正義**曰

膳也 正義曰崔氏云宮室之制中央為正室正室左

右為房房外有序序外有夾室天子尊庖厨遠故左夾

室五閣右夾室五閣諸侯卑庖厨宜稍近故於房中減

降於天子唯在一房之中而五閣也大夫既卑無嫌故

亦於夾室而閣三也三者豕魚腊也士卑不得作閣但

於室中為土站度食也云五者三牲之肉及魚腊也者

以天子腊用六牲今云五閣是不一牲為一閣以魚腊

是常食之物故知 **凡養老有虞氏以燕禮夏**

三牲及魚腊也

后氏以饗禮。般人以食禮。周人脩而兼用之。凡五十養於鄉。六十養於國。七十養於學。達於諸侯。八十拜君命。一坐再至。瞽亦如之。九十者使人受。五十異糧。六十宿肉。七十貳膳。八十常珍。九十飲食不違寢膳。飲從於遊可也。六十歲制七十時制。八十月制。九十日脩。唯絞紵衾冒死而后制。五十始衰。六十非肉不

飽。七十非帛不煖。八十非人不煖。九十雖得人不煖矣。五十杖於家。六十杖於鄉。七十杖於國。八十杖於朝。九十者天子欲有問焉。則就其室。以珍從。七十不俟朝。八十月告。存九十日有秩。五十不從力政。六十不與服戎。七十不與賓客之事。八十齊喪之事弗及也。五十而爵六十不親學。七十致政。凡自七十以上

唯衰麻為喪凡三王養老皆引年八十者一子不從政九十者其家不從政瞽亦如之凡父母在子雖老不坐有虞氏養國老於上庠養庶老於下庠夏后氏養國老於東序養庶老於西序殷人養國老於右學養庶老於左學周人養國老於東膠養庶老於虞庠虞庠在國之西郊有虞氏皇而祭深衣而養老夏后氏收而祭燕衣而養老殷人哂而祭縞衣而養老周人冕而祭玄衣而養老

王記

制有**疏**正義曰此一節皆王制文記者重而錄之後人雖知其重因而不加慎疑不敢刪易也

曾子曰孝子之養老也樂其心不違其志樂其耳目安其寢處以其飲食忠養之孝子之身終終身也者非終父母之身終其身也是故父母之所愛亦愛之父母之所敬亦敬之至於犬馬盡然而

況於人乎

賤喻貴也

疏

正義曰此一節因上陳養老之事遂陳孝子事親之禮

孝子之身終者謂安樂其親之心不違其志樂其耳目安其寢處以其飲食中心養之是孝子事親之身終也

終身也者非終父母之身終其身也者作記之人既云孝子之身終恐人不解謂言孝子事親至親身終故

解云終身也者非終竟父母之身也終其孝子之身也言父母雖沒終竟己身而行孝道與親在無異至於

犬馬盡然而況於人乎者言父母所敬愛犬馬之屬盡須敬愛而況於父母所敬愛人乎

五帝憲

憲法也養之為法其德行

三王有乞言

有讀為又又從之求

善言可施行也

五帝憲養氣體而不乞言有善則

記之為惇史三王亦憲既養老而后乞

禮記義三十八

言亦微其禮皆有惇史

惇史史孝厚者也微其禮者依違言之求

而不切也

疏

正義曰此一節論五帝三王養老之禮五帝憲者憲法也言五帝養老法其德行又從求

王有乞言者言三王其德漸薄非但法其德行又從求乞善言五帝憲養氣體而不乞言者覆說上五帝憲

之法奉養老人就氣息身體恐其勞動故不乞言有善則記之為惇史者惇厚也言老人有善德行則記錄

之使眾人法則為惇厚之史亦微其禮皆有惇史者言三王養老既法德行又從乞言其乞言之禮亦依違

求之而不偏切三代皆法其德行善言為惇厚之史故云皆皆者皆三代也

淳熬煎醢

加于陸稻上沃之以膏曰淳熬

淳沃也熬亦煎也沃

煎成之以為名淳母煎醢加于黍食上沃之以膏曰

淳母母讀曰模模象也作此象淳熬炮取豚若將剝之剝之

實棗於其腹中編萑以苴之塗之以謹

塗炮之塗皆乾擘之濯王以摩之去其

皷為稻粉搔漉之以為醢以付豚煎諸

膏膏必滅之鉅鑊湯以小子肫脯於其

中使其湯母滅鼎三日三夜母絕火而

后調之以醢醢炮者以塗燒之為名也將當為特

禮記義三十八 九 禮記義三十八 九 禮記義三十八 九

羊於小鼎中使之香美也謂之脯者既去皷則解析其

肉使薄如為脯然唯豚全耳豚羊入鼎三日乃內醢醢

可食也 擣珍取牛羊麋鹿麇之肉必胾每

物與牛若一捶反側之去其餅孰出之

去其皷柔其肉胾脊側肉也捶擣之也餅筋腱也柔之為汁和也汁和亦醢醢

與漬取牛肉必新殺者薄切之必絕其

理湛諸美酒期朝而食之以醢若醢醢湛示

胾漬也為熬捶之去其皷編萑布牛肉焉

胾漬也為熬捶之去其皷編萑布牛肉焉

施羊亦如之施麋施鹿施麇皆如牛羊

欲濡肉則釋而煎之以醢欲乾肉則捶

而食之熬於火上為之也今之火脯似矣欲濡欲乾人自由也醢或為醢此七者周禮八珍其一

肝腎是也糝取牛羊豕之肉三如一小切之與

稻米稻米二肉一合以為餌煎之此周禮糝食也

肝腎取狗肝一幪之以其腎濡炙之舉

焦其腎不蓼腎腸間脂舉或為巨取稻米舉糝糝

之小切狼臠膏以與稻米為醢狼臠膏臠中膏也以

禮記義三十八

十

陳又

煎稻米則似今膏餐矣此正義曰此一節論養老

周禮醢食也此醢當從餼疏須飲食如養親之事明

八珍之饌并明羞豆糝糝之等淳熬者是八珍之內

一珍之膳名也淳謂沃也則沃之以膏是也熬謂煎也

則煎醢是也陸稻者謂陸地之稻也謂以陸地稻米

孰之為飯煎醢使熬加于飯上恐其味薄更沃之以膏

使味相湛漬曰淳熬母讀至淳熬正義曰以經

云淳毋母是禁辭非膳羞之體故讀為模模象也法象
淳熬而為之但用黍為異耳經云黍食食飯也謂以黍
米為飯不言陸者黍皆在陸無在水之嫌故不言陸
炮取至醢醢炮取豚若將者言為炮之法或取豚或
取糝故云取豚若將剗剗其腹實香棗於其腹中編
糝以苴之者糝是亂草也苴裹也編連亂草以裹而豚
糝裹之既畢塗之以謹塗謂穰草相和之塗也以此瑾
塗而泥塗之炮之塗皆乾擘之者謂擘去乾塗也濯
手以摩之去其齧者手既擘泥不淨其肉又熱故濯手摩

之去其馘莫 為稻粉糴漉之以為醢者付全豚之外煎之於膏若羊則解析肉以粥和之 膏必滅之者滅沒也 小鼎盛膏以膏煎豚牂膏必沒此豚牂也 鉅鑊湯以小鼎薺脯於其中者謂以大鑊盛湯以小鼎之香脯實於大鑊湯中 使其湯毋滅鼎者使鑊中之湯無得沒此小鼎若湯沒鼎恐湯入鼎中令食壞也 三日三夜毋絕火者欲令用火微熱勢不絕 注將當至全耳 正義曰以經云取豚若將則將是豚類故知將當為牂聲相近又字體一邊相似云封剗博異語也者案易云士封羊又云剗木為舟意同而語異云謹當為瑾者以謹非泥塗之物以聲相近故為瑾也云瑾塗塗有穰草也者用之炮豚須相黏著故知塗有穰草也云糴漉亦博異語也者亦者亦上剗剗封剗既博異語故云糴漉亦博異語也云唯豚全耳者案周禮封人有毛炮之豚豚形既小故知全體周禮鄭注云毛炮豚者爛去其毛而炮之豚既毛炮則此牂或亦毛炮既無正文不敢定也 注胾脊至醢與 正義曰知胾

小六十八

禮記義三十八

十一

重刊金

是脊側肉者以脊側肉美今擣以為珍宜取美處故為脊側肉云餌筋臄也者以經云去其餌又云去其馘馘既為皮莫則餌非復是皮莫故以為筋臄臄即筋之類云汁和亦醢醢與者以上炮豚炮牂調以醢醢下漬亦食之以醢若醢故知擣珍和亦用醢醢 為熬至食之 此一經論作熬之法 施羊亦如之者為熬之法於牛如上所陳若施設於羊亦如牛也 欲濡肉則釋而煎之以醢者言食熬之時唯人所欲若欲得濡肉則以水潤釋而煎之以醢也 注此七至是也 正義曰七者謂第一淳熬也第二淳模也第三第四炮取豚若牂也第五擣珍也第六漬也第七熬也云其一肝膾者則此糝下肝膾也但作記之人文不依次故在糝下陳之 糝取至煎之 三如一者謂取牛羊豕之肉等分如一稻米二肉一者謂二分稻米一分肉也 注此周禮糝食也 正義曰案周禮醢人云羞豆之實醢食糝食故云然也此先陳糝食者亦記人不次 注膾腸至為巨 正義曰舉皆也謂炙膾皆燂也 注

以前至從餼正義曰則似今膏展矣者似漢時膏展以膏煎稻米鄭舉時事以說之云此醢當從餼者此內則及周禮醢之字當從餼字以醢是粥非是膏煎稻米故改醢從餼也禮始於謹夫婦為

宮室辨外內男子居外女子居內深宮固

門閭寺守之男不入女不出閭掌守中門之禁也寺掌內人之禁

也令男女不同施枷不敢懸於夫之榿施不

敢藏於夫之篋笥不敢共湑浴竿謂之施榿杙也夫

不在斂枕篋篋簟席禡器而藏之不敢褻也少事

長賤事貴咸如之也咸皆夫婦之禮唯及七

禮記義三十八

十一

陳又

十同藏無間衰老無嫌及猶至也故妾雖老年未滿五

十必與五日之御五十始衰不能孕也妾閉房不復出御矣此御謂侍夜勸息也

五日一御諸侯制也諸侯取九女姪娣兩兩而御則三日也次兩媵則四日也次夫人專夜則五日也天子十五日

乃一御將御者齊漱澣慎衣服擗縱笄總角拂

髦衿纓綦屨其往如朝也角衍字也拂髦或為繆髦也雖婢妾衣服

飲食必後長者人貴賤不可以無禮妻不在妾御莫敢

當夕辟女君之御日也疏正義曰此一節論夫婦男女及內外之別又明妾與適妻尊卑相降

之等各依文解之竿謂之施榿杙也正義曰案爾

雅釋宮云檝謂之杙郭景純注云檝音杙李巡曰謂檝杙

也釋宮又云在牆者謂之揮郭景純引禮云不敢懸於夫之揮旒植曰揮橫曰旒然則揮旒是同類之物橫者曰旒則以竿爲之故云竿謂之旒唯及七十同藏無間者間別也夫婦唯至七十同處居藏無所間別以其衰老無所嫌疑故也夫七十則婦六十以上若夫雖七十婦唯六十以下則猶間居也詩傳云男女不六十不間居據婦人言之若其宗子雖七十無妻猶得更娶故曾子問宗子雖七十無無主婦是必須有主婦也 ⑤五十至一御 正義曰此經據妾言之未滿五十必與五日之御五十以上則不與也然則妻雖五十以上猶得與也云姪娣兩兩而御則三日也者以夫人及二媵各有姪娣凡六人故三日也云次兩媵則四日也者如鄭此言夫人姪娣卑於兩媵若望前卑者在前尊者在後望後乃反之知者約天子御法云天子十五日乃一御者案九嬪注云女御八十一人當九夕世婦二十七人當二夕九嬪九人當一夕三夫人當一夕后當一夕亦十五日而徧云自望後反之是也 ⑥

禮記義三十八

十三

周禮

辟女君之御日也 正義曰此謂卿大夫以下故經云妻而注云女君大夫一妻二妾則三日御徧士一妻一妾則二日御徧妾恒辟女君之御日非但不敢當女君之御日縱令自當君之御日猶不敢當夕而往故詩小星云肅肅宵征夙夜在公注引此云 妻將生子及月辰居側凡妾御於君不當夕是也

室 側室謂夫之室次燕寢也 夫使人日再問之作而自問

之妻不敢見使姆衣服而對至于子生夫

復使人日再問之 作有 夫齊則不入側室之

門 若始時 子生男子設弧於門左女子設帨

於門右 表男女也弧者示有事於武也帨事人之佩巾也 三日始負子男

射女否

始有事也負之謂抱之而使鄉前也

疏

正義曰從此以下終皆末論國君以下至庶人

生子之禮及適庶差別妻妾異等所生男女養教之法從此妻將生子至男射女否則明大夫以下未生子之前夫問之宜及生子設弧矢之法 **注**側室至寢也 正義曰

夫正寢之室在前燕寢在後側室又次燕寢在燕寢之旁故謂之側室妻既居側室則妾亦當然也故春秋傳云趙有側室曰穿是妾之子也生子不於夫正室及妻之燕寢必於側室者以正室燕寢尊故也經云及月辰謂生月之辰初朔之日也 **注**若始時使人問 正義曰夫不齊之時未動作之前夫使人日再問之今雖動作之後以其齊故但使人問之故云若始時使人問之也 **國**

君世子生告于君接以太牢宰掌具 接讀為捷

捷勝也謂食其母使補虛強氣也 三日卜士負之吉者宿齊朝

服寢門外詩負之射人以桑弧蓬矢六射

天地四方 詩之言承也桑弧蓬矢本太古也天地四方男子所有事也 保受乃負

之 代士也保保母 宰醴負子賜之束帛 醴當為禮聲之誤也禮以一獻

之禮酬之 以幣也 卜士之妻大夫之妾使食子 食子不使君妾

適妾有敵義不相襲以勞辱事也士妻大夫之妾謂時自有子 **疏** 正義曰此一經論國

子及食之法 **注**接讀至氣也 正義曰王肅杜預並以

為接待夫人以大牢鄭必讀為捷為補虛強氣者以婦人

初產必困病虛羸當產三日之內必未能以禮相接應待

負子之後今在前為之故知補虛強氣宜速故也 **注**詩

之至事也 正義曰詩含神霧云詩者持也以手維持則

承奉之義謂以手承下而抱負之云桑弧蓬矢本太古也

者以木與蓬皆質素之物故知本大古也云于地四方男子所有爭也者男子上事天下事地旁禦四方之難故云所有事然射禮唯四矢者謂天地非射事所及唯禦四方故止四矢蓬是禦亂之草桑衆木之本

正義曰此約士昏禮禮賓酬幣之法此士負子故禮之還用士禮 **注**士妻至有子 **正義**曰使其食子須有乳汁故知時自有子者皇氏云士之妻大夫之妾者隨課用一人故相六年左傳云卜士負之士妻食之不云有大夫

妾 **凡接子擇日** **雖三日之內尊卑必皆選其吉焉** **豕于則大**

牢 **天子世子也豕大也豕** **庶人特豚士特豕大** **子猶言長子通於下也**

夫少牢國君世子大牢 **皆謂** **其非豕子則**

皆降一等 **謂豕子之弟及衆妾之子生也天子諸侯少牢大夫特豕士特豚庶人猶特豚也**

禮記義三十八

十五

有祐

疏 **正義**曰此一節論國君以下至庶人以上接子牲牢之異并適庶不同 **注**天子至下也 **正義**曰此云

豕子大牢下云國君世子大牢既別言國君世子故知此豕子大牢謂天子世子也云豕子猶言長子通於下也者喪服父為長子是上下通稱長子故云通於下鄭云此者以天子特云豕子則大牢恐豕子之名唯施天子世子故

云通於下必知豕子通於下者以下文云庶人特豚士特豕大夫少牢國君大牢下即云其非豕子則皆降一等明豕子之名庶人大夫士等皆有其號 **注**庶人猶特豚也 **正義**曰以豕子庶人特豚士特豕大夫少牢國君大牢

庶子既降一等天子諸侯少牢大夫特豕士特豚則庶人全應無牲今以禮窮欲與士同故云猶特豚此是三日接子之禮故牲牢如此若三月名子之時則與此異故下文云具視朔食注云朝食天子大牢諸侯少牢大夫特豕士

特豚也與此接子 **異為孺子室於宮中** **特婦一處** **適庶參差不同** **以處之**

擇於諸母與可者必求其實裕慈惠溫良

恭敬慎而寡言者使為子師其次為慈母

其次為保母皆居子室此人君養子之禮也諸母眾妾也可者傳御之

屬也子師教示以善道者慈母知其嗜欲他人無事

不往為兒精氣微**疏**正義曰此一節謂三日負子之

弱將驚動也後三月名子之前諸侯養子選

擇諸母及養子之法此文雖據諸侯其實亦兼大夫士也

但士不具三母耳大夫以上則具三母故喪服小功章中

君子為庶母慈己者鄭注引此內則三母獨言慈母舉中

以見上下是知大夫有三母也為之服小功若諸侯之子

三母則不服也又此雖在三月之前其實三月之後養子

亦當然也禮記義三十八正義曰既有子師慈

母保母各為其事故知三月之末擇日剪髮為髻

士妻但食乳之而已鬻是

男角女羈否則男左女右鬻是

日也妻以子見於父貴人則為衣服由命

士以下皆漱澣貴人大夫以上男女夙興沐浴衣

此入門者入側室之門也大夫以下見

子就側室見妾子於內寢辟人君也姆先相曰

東面其妻姓若言姜氏夫

母某敢用時日祇見孺子也祇敬也或作振夫

乍階立于阼西鄉妻抱子出自房當楣立

服具視朝食朝食天子大牢諸侯少夫入門升自

阼宰大夫特系士特係也夫入門升自

東面入門者入側室之門也大夫以下見姆先相曰

母某敢用時日祇見孺子也祇敬也或作振夫

乍階立于阼西鄉妻抱子出自房當楣立

服具視朝食朝食天子大牢諸侯少夫入門升自

阼宰大夫特系士特係也夫入門升自

東面入門者入側室之門也大夫以下見姆先相曰

母某敢用時日祇見孺子也祇敬也或作振夫

乍階立于阼西鄉妻抱子出自房當楣立

對曰欽有帥父執子之右手咳而名之敬欽

也帥循也言教之敬使有循也執右手明將授之事也妻對曰記有成遂左

還授師記猶識也識夫之言使有成也師子師也子師辯告諸婦諸

母名後告諸母若名成於尊妻遂適寢復夫之燕寢夫告宰名

宰辯告諸男名書曰其年某月某日某生

而藏之宰謂屬吏也春秋書相六年九月丁卯子同生宰告間史間史書

為二其一藏諸閭府其一獻諸州史州史

獻諸州伯州伯命藏諸州府四閭為族族百家也閭胥中士一人

禮記義三十八

十七

有祥

五黨為州州二千五百家也州長中大夫一人也皆有屬吏獻猶言也

夫入已見子入室也其與妻疏正義曰此一節明三月食如婦始饋舅姑之禮也

之法又書名藏之州府妻遂適寢夫入與妻饌食之事各依文解之注鬻所至羈也

正義曰三月剪髮所留不翦者謂之鬻云夾凶曰角凶者是首腦之上縫故說文云

十其字象小兒腦不合也夾凶兩旁當角之處留髮不翦云午達曰羈也者案儀禮云度尺而午注云一從一橫曰

午今女剪髮留其頂上縱橫各一相交通達故云午達不

如兩角相對但縱橫各一在頂上故曰羈羈者隻也文雖據大夫士天子諸侯之子亦當然也注入門至君也

正義曰知入側室之門也者上文云妻將生子居側室至此三月之末未有妻出之文則知恒在側室此云夫入門謂入側室之門但側室在燕寢之旁亦南嚮故有阼階西階夫立於阼西嚮但卿大夫之室唯有東房妻抱子出自

房者出東房當楣東面立與夫相對云大夫以下見子就側室者見子謂見適妻子就側室則此文是也云見妾子於內寢者則下文云妾將生子三月之末漱澣夙齊見於內寢是也鄭注云內寢適妻寢也大夫所以見適子於側室見庶子於適妻寢者辟人君也人君則見適子於路寢見庶子於側室故云辟人君也知人君見世子於路寢者下文云世子生則君沐浴朝服夫人亦如之皆立于阼階西鄉世婦抱子升自西階既著朝服又東西階相對故知在路寢也又知人君見庶子在側室者下云公庶子生就側室三月之末其母見於君擯者以其子見是就側室也然大夫見妾子於內寢諸侯見妾子於側室何以下文適子庶子見於外寢注云此適子謂世子弟也庶子妾子也外寢君燕寢也又是人君見妾子於外寢不在側室者但人君世子之弟見於外寢妾子見於側室但庶子撫首咳而名之與世子弟同故連文云見於外寢其實在側室也熊氏皇氏俱爲此說故今從焉 姆先至適寢 此一節

論母以子見父及父名子妻遂適寢之事 姆先相者妻

既抱子當楣東面而立傅姆在母之前而相佐其辭曰母

某氏敢用時日祇見孺子祇敬也孺稚也謂恭敬奉見稚

子 夫對曰欽有帥者欽敬也帥循也夫對妻言當教之令

其恭敬使有循善道對妻既訖父遂執子右手咳而名之

謂以一手執子右手以一手承子之咳而名之 妻對曰

記有成者當認識夫言教之使有成就 遂左還授師者

妻對既訖遂左嚮迴還轉身西南以子授子師也 子師

辯告諸婦諸母名者諸婦謂同族卑者之妻諸母同族尊

者之妻後告諸母欲名成於尊 某妻至敬也 正義

曰祇敬及下注欽敬帥循皆釋詁文也 宰謂至同生

男也若諸侯既絕宗則不告諸男也此舉諸男舉其卑者

卑者尚告則告諸父可知此既據卿大夫以下而引春秋

桓六年子同生者欲證明子生年月日之事彼謂諸侯也

直云子同生不云世子者杜元凱云不云世子書始生言

始生之時未立為世子也經云書名而藏之者謂以簡策書子名而藏之家之書府

注四閭至屬吏 正義曰四閭為族以下皆周禮地官文云皆有屬吏者閭之屬吏則有閭史也州之屬吏則有州史也州伯則州長也州府是

州長之府藏 注夫入至禮也 正義曰夫入已見子入室也者夫既就側室而見子見子既畢從側室而入正室

云其與妻食如婦始饋舅姑之禮也者經云如養禮是如養舅姑之禮案士昏禮婦盥饋舅姑特豚合升側載右胖

載之舅俎左胖載之姑俎其大夫以上則無文必知如婦始饋舅姑者以下文云妾生子及三月之末見子之禮如

始入室明知此如養禮如 注世子生則君沐浴朝服始入室養舅姑之禮也

夫人亦如之皆立于阼階西鄉世婦抱子

升自西階君名之乃降 注子升自西階則人君見世子於路寢也見妾子

適子庶子見於外寢 侯夫人朝於君次而祿衣也

撫其首咳而名之禮帥初無辭 注此適子謂世

妾子也外寢君燕寢也無 注辭辭謂欽有帥記有成也 注正義曰此一節明人君見

解之 注子升至衣也 正義曰凡子生皆就側室者案上文妻將生子居側室是卿大夫生子居側室此文人君

見世子在路寢經云世婦抱子升自西階是世婦抱子從外而入其內寢是君之常居之處夫人不可於此寢生子

故知亦在側室也云夫人朝於君次而祿衣也者案內司服注云后六服后從王祭先王則服禕衣祭先公則服揄

翟祭羣小祀則服闕翟鞠衣黃桑服也展衣以禮見王及賓客祿衣御于王之服諸侯夫人以下所得之服名如王

后之服則夫人亦如王后也此既在路寢與君同著朝服則是以禮見君合服展衣此云次而祿衣者此謂見子又

見子若訖則當進入君寢侍御於君故服進御之服異於尋常以禮見君故不服展衣也次者首飾次第髮為之則少牢禮髮鬃是也鄭注云古者或剔賤者刑者之髮為之其禕衣揄翟闕翟首服副副者覆首為飾鄭注云若今步繇矣鞠衣展衣首服編鄭云編列髮為之若今假紒矣適子至無辭 此一節明人君見世子弟及妾子之禮適子庶子見於外寢者適子謂大子之弟見於外寢庶子則見側室但撫首咳名無辭之事與世子之弟同故與適子連文同云見於外寢其實庶子見於側室也 禮帥初無辭者禮謂威儀也帥循也初謂前文世子生見於路寢君夫人皆西鄉言見適子庶子威儀依循初世子之法但無勅戒之辭然夫人所生之子容可如世子見禮君與夫人俱西鄉若妾之見子則不得與夫人同當與卿大夫之妻見適子同但不親抱子耳 外寢至成也 正義曰燕寢當在內而云外寢者對側室而為外耳側室在旁處內故謂燕寢為外寢也云無辭辭謂欽有帥記有成也者

禮記義三十八

二十

阮祐

案前世子生直云世婦抱子升自西階君名之乃降亦無辭也而云適子庶子無辭者以前文卿大夫妻見適子之時既有父執右手咳而名之及戒告之辭其文既具故於見世子之禮略而不言其實世子亦執右手咳而名之及戒告也故鄭引前文卿大夫見子之辭而言之也 凡名子不以日月不以

國 終使 易諱 不以隱疾 諱衣中之疾 難為醫也 大夫士之子不

敢與世子同名 尊世子也其先世子生亦勿為改 疏 正義曰此一節論子名之

法尊卑上下同有諱辟又大夫士之名子辟世子之名 其先至為改 正義曰知先世子生亦勿為改者案春秋衛襄公名惡其大夫有齊惡明齊惡先衛 妾將生子 侯生故得與衛侯同名是知先生者不改也

及月辰夫使人日一問之子生三日之末

漱澣夙齊見於內寢禮之如始入室君已

食徹焉使之特餽遂入御

內寢適妻寢也禮謂已見子夫食而使獨

餽也如始入室始來嫁時妾餽夫婦之餘亦如之既見子可以御此謂大夫士之妾也凡妾稱夫曰君

疏

正義曰此一節論大夫妾生子之禮異於適子之法君已食徹焉者君謂夫也以妾賤故謂夫為君使之特餽者尋常夫食之後眾妾共餽今以其生子故使之特餽也

注內寢至曰君 正義曰知內寢適妻寢者以其稱內故知是適妻寢也凡宮室之制前有路寢次有燕寢次

夫人正寢卿大夫以下前有適室次有燕寢次有適妻之寢但夫之燕寢對夫人及適妻之寢及側室等其燕寢在

外亦名外寢故前注云外寢君燕寢是也云妾餽夫婦之餘亦如之者案昏禮夫婦同牢之後媵餽夫餘御餽婦餘

彼謂正妻若妾初嫁始來夫婦共食初來之妾特餽其餘

禮記義三十八

二二

鄭復

今妾已見子之後夫婦共食令生子之妾特餽其餘亦如始來時故云亦如之云既見子可以御此謂大夫士之妾

也者以前文大夫之妻見子之後妻遂適夫寢未即進御後始云夫入食如養禮是夫始入與妻食乃後進御此文

云見子遂入御故謂云此大 公庶子生就側室三

月之末其母沐浴朝服見於君擯者以其

子見君所有賜君名之眾子則使有司名

之 擯者傳姆之屬也人君尊雖妾不抱子有賜於君有恩惠也有司臣有事者也魯相公名子問於申繻也

疏 正義曰此一經明君庶子生處及三月見父異於世子之禮前文已云適子庶子見於外寢異於世子今

此更重出者以前文庶子與適子連文恐事事皆同適子故以此經特見庶子之法案前注云凡子生皆就側室則

世子亦就側室今特云庶子就側室者舉庶子世子可知也 君所有賜君名之者謂生子之妾君所特有恩賜偏所愛者君則自名其子故云君名之 衆子則使有司名之者衆子謂衆妾之子不特寵御則使有司以名其子也

注人君至孀也 正義曰人君尊雖妻不抱子者以經云其母朝服見於君乃云擯者以其子見於君是擯者抱子也故知妾不抱子引春秋問名於申孀者證有司名之一邊同耳其實異也春秋所云謂世子也 庶人

無側室者及月辰夫出居羣室其問之也

與子見父之禮無以異也 夫雖辟之至問妻及見子禮同也庶人或

無 **疏** 正義曰此一經論庶人之禮 庶人無側室者及妾 **疏** 月辰夫出居羣室者以無側室妻在夫寢妻將生子故夫出辟之若有側室則妻在側室夫自居正寢不須出居羣室也 其問之也與子見父之禮無以異也者與

禮記義三十八

二十二

東原

及也言夫問妻及子見父之禮無以異於卿大夫士言與卿大夫士同也亦夫使人日再問之作而自問之其見父之時父亦執子之右手咳而名 凡父在孫見於祖之及有戒告之事一如上矣

祖亦名之禮如子見父無辭 見子於祖家統於尊也父在則

無辭有適子者無適孫與見庶子同也父卒而有適孫則有辭與見冢子同父雖卒而庶孫猶無辭也 **疏**

正義曰此一節論孫見祖之禮卿大夫以下之事故鄭注云家統於尊所以無辭者若父之於子有傳重之事故有戒告之辭今孫見於祖而隔於父故無辭也 **注**父在至辭也 正義曰所以無辭者適子既在其孫猶為庶孫無所傳重故云有適子者無適孫與見庶子同若所生適子其父既卒則適孫與長子相似當有辭也故云父卒而有

適孫則有辭與見冢子同若庶孫父雖卒見祖亦無辭也 **食子者二年而出見**

於公宮則劬劬勞也士妻大夫之妾食國君之大夫

之子有食母選於傅御之中喪服所謂乳母也士之妻自養其

子賤不敢使人也疏正義曰此一節論國君以下及大夫士適妻養子之人尊卑有別由命

士以上及大夫之子旬而見旬當為均聲之誤

生子子均而見者以生先後見之既見乃食亦辟人君也易說卦坤為均今亦或作旬也

冢子未食而見必執其右手適子庶子已食而見

必循其首天子諸侯尊別世子雖同母禮則異矣未食已食急正緩庶之義也疏正義

曰此一節論大夫及命士適妻與妾同時生子見之先後差異之別并明天子諸侯見冢子及適子庶子緩急之儀

禮記義三十八

二十三

陳頭

旬而見者旬均也謂大夫命士適妾生子皆以未食之

前均齊見又先生者先見後生者後見雖見有先後同是未食之前故云均而見冢子未食而見必執其右手者此

謂天子諸侯之禮未食謂未與后夫人禮食而先見冢子是急於正也故先見乃食也適子庶子已食而見者謂

先與后夫人禮食之後然后始見適子庶子是緩於庶也必循其首者言見適子庶子之時必以手撫循其頭首

示恩愛之情也疏易說卦坤為均正義曰引易說卦者證此經旬為均義案易說卦以坤為均象地之均平今

易之文或以均為旬者是均得為旬也皇氏云母之禮見子象地之生物均平故引易以為均若然案周禮均人職

云上年公旬用三日鄭注亦引易坤為均豈是母見子之禮皇氏說非也

天子至世子正義曰知此經是天子諸侯者以上文命七以上及大夫之子適庶均見此則

有食前食後見之不同又前文云世子生其次云適子庶子見於外寢是國君之禮此經亦云適子庶子故知是天

子諸侯也 子能食食教以右手能言男唯女俞男

擊韋革女擊鞶絲 俞然也擊小囊盛悅巾者男用韋女用繒有飾綠之則是擊裂與詩云垂

帶如厲紀子帛名裂繻 正義曰此一節論男女自幼字雖今異意實同也 **疏** 少之時教之言語及擊韋鞶

絲之事也 **注** 擊小至同也 正義曰此擊是小囊盛悅中男用韋為之女用繒帛為之云有飾綠之則是擊裂與

者言男女擊囊之外更有繒帛之物飾而綠之則是春秋相二年所稱擊裂者與疑而未定故稱與案傳作擊厲鄭

此注云擊裂厲裂義同也 祇謂擊囊裂帛為之飾又引詩云垂帶如厲者證厲是擊囊裂帛之飾也此詩小雅都人

士之篇也案彼注云而如也而厲如擊厲也擊必垂厲以為飾厲字當作裂謂彼都人之士垂此紳帶如似擊囊之

裂是以厲為裂也又引紀子帛名裂繻者雖引毛詩以厲為裂其義未顯故引紀子帛名裂繻者以證之言帛必分

禮記義二十八

二十四

著伊

裂也此隱二年經稱紀子帛昔子盟于密又紀裂繻來逆女云字雖今異意實同也者言古時厲裂通為一字今時

厲裂字義俱異大意是同故云字雖今異意實同言同為分裂之義也此是鄭康成之義若如服虔杜預則以擊為

大帶厲是大帶之垂者故服氏云擊大帶杜云紳大帶厲是大帶之垂者詩毛傳亦云厲帶之垂者並與鄭異 **六**

年教之數與方名 方名東西 七年男女不同席

不共食 蚤其別也 八年出入門戶及即席飲食

必後長者始教之讓 示以廉恥 九年教之數日

朔望與六甲也 十年出就外傳居宿於外學書計衣

不帛襦袴禮帥初朝夕學幼儀請肄簡詠

外傳教學之師也不用帛為襦袴為大溫傷陰氣也禮帥
初遵習先日所為也肄習也諒信也請習簡謂所書篇數
也請習信謂
應對之言也 十有三年學樂誦詩舞勺成童

舞象學射御 先學勺後學象文武之次也成童十五以上 二十而冠

始學禮可以衣裘帛舞大夏惇行孝弟博

學不教內而不出 大夏樂之文武備者也內而不出謂人之謀慮也 三十

而有室以理男事博學無方孫友視志 室

妻也男事受田給政役也方猶常也至此學無常在志所好也孫順也順於友視其所志也 四十始

仕方物出謀發慮道合則服從不可則去

禮記義三十八

二十五

徐有

方猶常也物猶事也 五十命為大夫服官政 統一官之政也 七十

致事 致其事於君而告老 凡男拜尚左手 左陽 此正義曰此一節

論男子教之從幼及長居官至致事之事 衣不帛襦袴者謂不以帛為襦袴 禮帥初者帥循也行禮動作皆帥循

初日所為 朝夕學幼儀者言從朝至夕學幼少奉事長者之儀 請肄簡諒者肄習也簡禮篇章也諒信也謂言

語信實言請長者習學篇章簡禮及應對信實言語也 舞勺者熊氏云勺籥也言十三之時學此舞籥之文舞也

成童舞象者成童謂十五以上舞象謂舞武也熊氏云謂用干戈之小舞也以其年尚幼故習文武之小舞也

可以衣裘帛者二十成人血氣強盛無慮傷損故可以衣裘帛也 舞大夏者大夏是禹樂禪代之後在干戈之前

文武俱備故二十習之也 博學不教者唯須廣博學問不可為師教人 內而不出者唯蘊畜其德在內而不得

出言為人謀慮 始理男事者三十丁壯受其田土供繒
役始理男事故韓詩說三十受兵若口率出泉國中則
十野則十五也 孫友視志者言孫順朋友視其志意所
尚 四十始仕方物出謀發慮者方常也物事也言年壯
仕官行其常事無所謙遜出 女子十年不出 恒居
其謀計發其思慮以為國也 內也

姆教婉婉聽從

婉謂言語也婉之言媚也媚謂容貌也

執麻臬治

絲繭織紵組紉學女事以共衣服

紉條觀於

祭祀納酒漿蕝豆菹醢禮相助奠

當及女時而知十

有五年而笄

謂應年許嫁者女子許嫁笄而字之其未許嫁二十則笄

二十而嫁

有故二十三年而嫁

故謂父母之喪

聘則為妻

聘問也妻

禮記義三十八

二十六

之言齊也以禮見

奔則為妾

妾之言接也聞彼有禮走而往焉以得接見於

君子也奔

凡女拜尚右手

右陰

䟽

正義曰此一節論女子自幼及

嫁為女事之禮

婉謂至貌也

正義曰案九嬪注云婦德貞順婦言辭令婦容婉婉婦功絲枲則婉婉合為婦

容此分婉為言語婉為容貌者鄭意以此上下備其四德以婉為婦言婉為婦容聽從為婦順執麻枲以下為婦功

注 紉條也

正義曰組紉俱為條也紵為緇帛故杜注

左傳紵謂緇帛皇氏云組是綬也然則薄闊為組似繩者

為紉 注 當及女時而知 正義曰下云十有五年而笄

此觀於祭祀是未嫁之前故云及女時而知經云納酒漿蕝豆菹醢謂於祭祀之時觀看須於廟外納此酒漿蕝豆

菹醢之等置於神坐一納之文包此六事言之也 聘則

為妻者妻齊也 奔則為妾者妾接也接見於君子也 女拜尚右手者右陰也漢時行之也

禮記正義卷第三十八



禮記義三十八

二十七

